



Na osnovu člana 22 Statuta Brčko distrikta BiH – prethodni tekst (Službeni glasnik Brčko distrikta BiH, broj 2/10) i člana 135 Poslovnika o radu Skupštine Brčko distrikta BiH (Službeni glasnik Brčko distrikta BiH brojevi 17/08 i 20/10) Skupština Brčko distrikta BiH na 6. redovnoj sjednici održanoj 27. februara 2013. godine donosi

DOPUNE POSLOVNIKA O RADU SKUPŠTINE BRČKO DISTRIKTA BOSNE I HERCEGOVINE

Član 1

U Poslovniku o radu Skupštine Brčko distrikta Bosne i Hercegovine (Službeni glasnik Brčko distrikta BiH, brojevi 17/08 i 20/10) u članu 48 stavu 1 dodaje se nova tačka n) koja glasi:

„n) Komisija za evropske integracije.“

Član 2

Iz člana 61 dodaje se novi član 61a koji glasi:

„ Član 61a

(Nadležnosti Komisije za evropske integracije)

Komisija za evropske integracije:

- a) razmatra opća pitanja koja su u vezi s evropskim integracijama,
- b) prati izvršavanje prava i obaveza Distrikta proizašlih iz međunarodnih ugovora vezanih za evropske integracije,
- c) razmatra nacрте zakona i druge propise kojima se, u skladu s obavezama Bosne i Hercegovine i Distrikta koje proizilaze iz procesa pridruživanja s Evropskom unijom, vrši usklađivanje pravnog sistema Distrikta s pravnim sistemom Evropske unije,
- d) sarađuje s institucijama u Bosni i Hercegovini (posebno s Direkcijom za evropske integracije BiH), institucijama Evropske unije i drugih zemalja u vezi s pitanjima integracija,
- e) nadzire korištenje dodijeljenih sredstava Evropske unije institucijama Distrikta,
- f) obavlja i druge aktivnosti određene ovim poslovníkom i odlukama Skupštine“.

Član 3

Dopune ovog poslovnika stupaju na snagu 8. (osmog) dana od dana objavljivanja u Službenom glasniku Brčko distrikta BiH.

Broj: 01-02-54/13

Brčko, 27. 2. 2013. godine

PREDSJEDNIK
SKUPŠTINE BRČKO DISTRIKTA BiH

or a Koji



Na osnovu člana 22 Statuta Brčko distrikta BiH – prethodni tekst (Službeni glasnik Brčko distrikta BiH, broj 2/10) i člana 39 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10 i 4/13) Skupština Brčko distrikta BiH na 18. redovnoj sjednici održanoj 25. septembra 2013. godine donosi

DOPUNE POSLOVNIKA O RADU SKUPŠTINE BRČKO DISTRIKTA BOSNE I HERCEGOVINE

član 1

U Poslovniku o radu Skupštine Brčko distrikta Bosne i Hercegovine (Službeni glasnik Brčko distrikta BiH, brojevi 17/08, 20/10 i 4/13) u članu 48 stavu 1 dodaju se nove tačke o), p) i q) koje glase:

- „o) Komisija za ravnopravnost spolova,**
- p) Komisija za borbu protiv korupcije,**
- q) Komisija za mlade“.**

član 2

Iza člana 61a dodaju se novi članovi 61b, 61c i 61d koji glase:

„ član 61b (Nadležnosti Komisije za ravnopravnost spolova)

Komisija za ravnopravnost spolova:

- a) razmatra pitanja u vezi s ostvarivanjem ravnopravnosti spolova u Distriktu;**
- b) razmatra predložene zakone i druge propise sa stanovišta ravnopravnosti spolova i sprečavanja diskriminacije;**
- c) razmatra prijedloge dokumenata i izvještaje institucija Distrikta koji se odnose na ostvarivanje ravnopravnosti spolova;**
- d) sarađuje s udruženjima građana koji se bave pitanjem ravnopravnosti spolova;**
- e) obavlja i druge aktivnosti određene ovim poslovníkom i odlukama Skupštine.**

član 61c

(Nadležnosti Komisije za borbu protiv korupcije)

Komisija za borbu protiv korupcije:

- a) razmatra opća pitanja po oblastima u vezi s izvršavanjem zakona, drugih propisa i općih akata i u vezi s tim prati rad izvršnih organa vlasti;**

- b) razmatra trošenje sredstava iz budžeta prema budžetskim korisnicima i od strane budžetskih korisnika, prati raspolaganje javnim fondovima i drugim vidovima javne potrošnje;
- c) sarađuje s drugim državnim organima i sličnim tijelima u BiH, entitetima, kantonima i općinama, kao i međunarodnim organizacijama i tijelima u okviru borbe protiv korupcije;
- d) ukazuje Skupštini na pojave nezakonitog ili nesavjesnog korištenja sredstava u oblastima koje prate i podnosi mišljenje i prijedloge Skupštini u ostvarivanju prava i dužnosti u okviru borbe protiv korupcije;
- e) vrši nadzor nad vođenjem regresnih postupaka za naknadu štete protiv odgovornih lica;
- f) obavlja i druge poslove određene ovim poslovnikom i odlukama Skupštine.

član 61d
(Nadležnost Komisije za mlade)

Komisija za mlade:

- a) razmatra pitanja u vezi s planiranjem i sprovođenjem omladinske politike i zaštite prava i interesa mladih,
- b) razmatra položaj mladih u društvu,
- c) radi na promociji prava i interesa mladih,
- d) obavlja i druge poslove određene ovim poslovnikom i odlukama Skupštine“.

član 3

Dopune ovog poslovnika stupaju na snagu osmog dana od dana objavljivanja u Službenom glasniku Brčko distrikta BiH.

Broj: 01-02-176/13
Brčko, 25. 9. 2013. godine

PREDSJEDNIK
SKUPŠTINE BRČKO DISTRIKTA BiH
or a Koji